



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA

o davanju saglasnosti gradonačelnici Grada Sarajeva za potpisivanje Anex-a Sporazuma o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“

(Prijedlog)

Predlagač: Gradonačelnica

Obradivač: Stručna služba za poslove
kabineta i poslove Gradske uprave

Sarajevo, juni 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31.stav (1) tačka (b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __ sjednici održanoj dana __.__.2023. godine, donijelo je

(Prijedlog)

ODLUKU

o davanju saglasnosti gradonačelnici Grada Sarajeva za potpisivanje Anex-a Sporazuma o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“

Član 1.

Ovom odlukom Gradsko vijeće Grada Sarajeva daje saglasnost gradonačelnici Grada Sarajeva za potpisivanje Anex-a Sporazuma o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“.

Član 2.

Gradsko vijeće Grada Sarajeva je saglasno da brigu u vezi sa posuđenom postavkom vrši JU „Gradski muzeji“ Sarajevo u periodu posudbe koji je utvrđen članom 5. osnovnog teksta Sporazma, a sve u skladu sa propisanom djelatnošću JU „Gradski muzeji Sarajevo“.

Član 3.

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA
Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke o davanju saglasnosti gradonačelnici Grada Sarajeva za potpisivanje Anex-a Sporazuma o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“, sadržan je u odredbi člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Grad Sarajevo i J.P. „FILMSKI CENTAR SARAJEVO“ d.o.o su dana 27.09.2021. godine zaključili Sporazum o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“ (u daljem tekstu: Sporazum), broj 01/13-04-5354/21 od 27.09.2021. godine kojim su regulisani uslovi i način besplatne posudbe izložbenih eksponata iz Centra Gradu Sarajevo, kao primaoca posudbe i njenog smještaja u prostor „Bistričke stanice“.

Na ovaj način je objekat „Bistričke stanice“ dobio poptunije sadržaje koji su obzirom na vrstu postavke prilagođeni prostoru u kojem su smješteni.

Međutim, polazeći od opravdane pretpostavke da će posuđenom postavkom na stručan i efikasan način upravljati JU „Gradski muzeji“ Sarajevo u skladu sa njenom propisanom djelatnošću, te da će svojim kvalifikovanim kadrom biti u stanju u potpunosti preuzeti brigu oko iste, to se od J.P. „FILMSKI CENTAR SARAJEVO“ d.o.o. zatražila saglasnost za izmjene potpisanog Sporazuma.

O davanju tražene saglasnosti Grad Sarajevo je obaviješten podneskom Centra broj: 01-135/23 od 20.06.2023. godine, kojim smo informisani da je naš zahtjev bio razmatran na sjednici Nadzornog odbora Centra dana 16.06.2023. godine, te da je data potrebna saglasnost.

Temeljem naprijed navedenog, a posebno cijeneći činjenicu da bi brigu o posuđenoj postavci preuzela JU „Gradski muzeji“ Sarajevo, osnovana Odlukom Gradskog vijeća Grada Sarajeva, to se predloženom Odlukom traži saglasnost Gradskog vijeća za upravljanje postavkom na način kako je u Anex-u Sporazuma navedeno.

Navedenim aktivnostima prethodili su razgovori i sa direktoricom „Gradskih muzeja“, g-đom Senkom Ibrišimbegović, koja je iskazala pozitivno mišljenje u odnosu na predloženo sa iskazanim idejama upotpunjavanja prostora u kojem se nalazi postavka.

Cijenivši opravdanost predviđenih rješenja Prijedlog Odluke se dostavlja Gradskom vijeću na razmatranje i odlučivanje.

FINANSIJSKA SREDSTVA

Za realizaciju Odluke nisu potrebna finansijska sredstva.

ANEX SPORAZUMA
O POSUDBI IZLOŽBENIH EKSPONATA IZ J.P. „FILMSKI CENTAR SARAJEVO“
d.o.o. - Podružnica „MUZEJ BH FILMA“ - postavka „Valter brani Sarajevo“

Ovaj Anex Sporazuma o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“ (u daljem tekstu: Anex Sporazuma), zaključen je između:

1. **GRADA SARAJEVO**, ulica Hamdije Kreševljakovića 3, 71000 Sarajevo, koga zastupa gradonačelnica Grada Sarajeva, Doc. dr. Benjamina Karić (u daljem tekstu: Grad Sarajevo – primalac posudbe), i
2. **J.P. „FILMSKI CENTAR SARAJEVO“** d.o.o., ulica Fadila Jahića Španca 1, koga zastupa generalni direktor, Ines Tanović (u daljem tekstu: Centar – davalac posudbe)
3. **JU „GRADSKI MUZEJI“** Sarajevo, ulica Petrakijina 7, koju zastupa direktor, Doc. dr. Senka Ibrišimbegović (u daljem tekstu: „Gradski muzeji“)

Član 1.

Grad Sarajevo i Centar su dana 27.09.2021. godine zaključili Sporazum o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“ (u daljem tekstu: Sporazum), broj 01/13-04-5354/21 od 27.09.2021. godine kojim su regulisani uslovi i način besplatne posudbe izložbenih eksponata iz Centra Gradu Sarajevo, kao primaoca posudbe i njenog smještaja u prostor „Bistričke stanice“.

Član 2.

U Sporazumu iz člana 1. ovog Anex-a iza člana 2. dodaje se novi član 2a. koji glasi:

„Član 2a.

Potpisnice Sporazuma su saglasne da brigu u vezi sa predmetom posudbe vrši JU „Gradski muzeji“ Sarajevo (u daljem tekstu: „Gradski muzeji“) u periodu posudbe koji je utvrđen članom 5. Sporazuma, a u skladu sa svojom propisanom djelatnošću“.

Član 3.

U članu 3. stav 3. Sporazuma iza riječi „ bez naknade“ brišu se riječi “te će izvršiti ustupanje uposlenika Centra, koji će brinuti o muzejskoj postavci u prostoru u kojem će postavka biti smještena – „Bistrička stanica“, gdje su osigurani svi neophodni uvjeti za normalno vršenje radnih zadataka“.

U istom članu Sporazuma briše se stav 4.

Član 4.

U članu 4. stav 1. Sporazuma riječi „Grad Sarajevo“ zamjenjuju se riječima „Gradski muzeji“, riječi „obavezuje se“ zamjenjuju se riječima „obavezuju se“, a riječi „na način i pod uslovima kako su definisani članom 3. stav 3. Sporazuma“ se brišu.

U istom članu mijenja se stav 2. i glasi:

„Svu eventualnu štetu koja može nastati na posuđenim eksponatima, a koja je prouzrokovana krivicom „Gradskih muzeja“, „Gradski muzeji“ dužni su nadoknaditi.

U istom članu stav 4. riječi „Grad Sarajevo nije odgovoran“, zamjenjuju se riječima „Gradski muzeji nisu odgovorni“.

Član 5.

U članu 5. Sporazuma iza riječi „ustupiti Gradu Sarajevo“ dodaje se tekst “i JU „Gradski muzeji“ Sarajevo“.

U članu 5. dodaje se stav 2. koji glasi „JU „Gradski muzeji“ Sarajevo će upravljati i izlagati sa ustupljenom postavkom „Valter brani Sarajevo“.

Član 6.

Član 6. se mijenja i glasi:

„Nakon proteka rokova iz člana 5. Sporazuma Grad Sarajevo i JU „Gradski muzeji“ Sarajevo, kao primaoci posudbe se obavezuju da će posudene izložbene eksponate vratiti Centru kao davaocu posudbe i snositi troškove povratnog transporta u cilju vraćanja posuđenih eksponata.“

Član 7.

JU „Gradski muzeji“ Sarajevo su u potpunosti upoznati sa sadržajem, pravima i obavezama iz Sporazuma o posudbi izložbenih eksponata iz J.P. „FILMSKI CENTAR SARAJEVO“ d.o.o. - podružnica „MUZEJ BH FILMA“- postavka „Valter brani Sarajevo“, broj: 01/13-04-5354/21 od 27.09.2021. godine.

Član 8.

Ostali članovi Sporazuma ne mijenjaju se i ostaju na snazi.

Član 9.

Ovaj Anex Sporazuma stupa na snagu danom njegovog potpisivanja.

Član 10.

Ovaj Anex Sporazuma je sačinje u šest (6) istovjetnih primjeraka i svaka strana zadržava po dva (2) primjerka.

GRAD SARAJEVO
GRADONAČELNICA
Doc.dr. Benjamina Karić

J.P. „FILMSKI CENTAR SARAJEVO“ d.o.o.
GENERALNI DIREKTOR
Ines Tanović

Broj:
Sarajevo,

Broj:
Sarajevo,

JU „GRADSKI MUZEJI“ SARAJEVO
DIREKTOR
Doc. dr. Senka Ibrišimbegović

Broj:
Sarajevo,